



BIBLIOTHECA
UNIV. JAGELL.
CRACOVENSIS

kat.komp.

59760

III

Mag. St. Dr.

P

Theol. 4217

Mobertii Stanislii. Conclusiones theologicae de
sacramentis in genere et in specie de bap-
tismo et confirmatione.

Biblioteka Jagiellońska



stdr0001721

In Nomine Domini, Amen.


CONCL VSIONES
THEOLOGICÆ,
De Sacramentis in Ge-
nere, & in Specie,
DE BAPTISMO
&
CONFIRMATIONE,
Ex Tertia Parte D. THOMÆ
Doctoris Angelici.



QVAS
PRÆSIDENTE
M. MATHIA PSOIECKI
S. Theologiæ, ac interea Cursûs Sacmenta-
lis RADIMINSCIANI Professore, Collega
Majore, S. FLORIANI Canonico.

SUSCIPIT
STANISLAUS MOLECKI,
Philosophia Baccalaureus
PROPUGNANDAS,
In Augusta D. Iagellonis Aula,
Anno Domini, 1689. Die 13. Julij. t,
CRACOVIAE, TYPIS VNIVERSITATIS.

In Gentiliū Insigne Perillustris & Reverendiss. D.



59260 Doctorum niveo Capiti; pro mille Coronis,
in Gratia Buziniæ, sufficit una Rosæ.

Perillustri, & Rñdissimo Domino,
D. STANISLAO
DE BUZENIN
BUZENSKI,
DECANO VARMIENSI,
Metropolitanæ Gnesnensis & Cracoviensis
CANONICO.
DOMINO, & PATRONO AMPLISSIMO.



D coronas in certamine publico, decora ingenia provocans, Majestatuq; sua in Regno Sapientia conscientia venit ad Tua purpuram ROSÆ, Theologica Veritas. PERILLVSTRIS & REVERENDISSIME DOMINE. Augustum illi, & Regium omnino ab origine decus, quia ex ore Altissimi prodijt: cumq; Regum Regis Filia sit, byssus & purpura indumentū eius: nec decet illam, utpote principijs revelatis innixam, arcana cælestia loqui; nisi omne quod dixerit, sit sub ROSA. Sub Tua certe decor illi, & digna imperio Majestas, qui de Rosarum Gentilitio Stemmate, florum Reginam pro Lucia sortitus; ut aliquando Rex animorum. & flos ingeniorū selectissimus fieres, etiam inter Natales Fasias, animo Purpuram induisti; culissima jam tunc intus omnia gerens; ut tanto magnificenter qui Te sibi à teneris in delicum elegerat, animus in Te sapiens habitaret. Divum Tibi genus cum Principe ROSARVM DIVO ADALBERTO, cruentam Martyris purpuram induto; sed & Divinus ex alto genius, virtutis & sapientia capacissimus, seipsoq; maior; nisi quod estimari renuens, ex animo Roseum, coronata Pallas lagellonica, delicatam cordis sui habuit Rosam, eruditonisq; Principem fecit; ut cum eruditissimis certares, victoriam habens, palmas & triumphos recusans. Inde Tibi in eruditione augusta omnia, sive animo sapias, sive Delphos loquaris, sive calamo certes; dilectus ubiq; & estimatus, augustissimis aque mentibus, ut & thronis. intelligentia seculi nostri, ANDREAS olim OLSZOWSKI, Primas &

Princeps Poloniae, & sapientiae Regni, propè tecum intuitivè locutus,
summo Te loco habuit, & dilexit, quia intelligentiam. Os aureum Re-
gni, ab ore Tuo pependisse non erubuit; dum Regens Cancellaria Re-
gni Maioris, oracula digna Te loquereris. Varmia Te DECANO
spectatissima, Administratore beata, cultu maximo veneratur Ani-
mū in Te Episcopalem sine mitra. Hic porrò quantum Te estimave-
rit, quantum ROSIS Animi Tui flagrantissimis delectatus fuerit,
Regius Sanguis, & animorum ipse purpura, Eminentissimus Prin-
ceps MICHAEL RADZIEIOWSKI, S.R.E. CARDINALIS,
ARCHIEPISCOPVS GNESNENSIS, & PRIMAS REGNI,
augustius est, quam concipi diciq; possit. Maius projecto de Te nul-
lum os, nullumq; saeculum dicet, quam quod purpuratum hoc Orbis,
& Romæ oraculum dixit. Nonne & FASCIA gemmarum MA-
LACHOVIANA, eousq; irrequieta fuerat; donec TE PERAV-
GVSTI CAPITVLI CRACOVIENSIS trino diademati pretio-
sam, quia diu exspectatam insereret gemmam, Coronato IOANNIS
CASIMIRI, MICHAELIS, & IOANNIS III. Serenissimum
Poloniae Regum iudicio, magnarum mentium inter uniones semper
habitam & coronas. Huc ergo pro corona veritatis decertans, ut
Spina Rosa fiant, Theologica de Sacramentis Scientia, una mecum
declinat; secura Gratia & Patrocinij TVI PERILLVSTRIS &
REVERENDISSIME DOMINE; qui me iam pridem intra pul-
cherrimum Animi Tui Rosetum admisisti; cuius suaveolenti i dum
reficiar, & Gratijs fruor, etiam Gratiarum testes, Disputationis ex
Cursu Sacramentali hasce Primitias, in authoramentum observan-
tia mea, Honori Tuo consigno. Author earum, & Fundator Clas-
sissimus Vir MARTINVS RADIMINSKI, Collega Maior, ac
verè Regius Professor animum sanè Regium, erga Principem Sci-
entiarum Theologiam ex innocentie peculio testatus; in cuius vul-
tu illo Summum Virum locuto, estimatorem tanti ingenij, sape de-
fixeras obtutum. Fave superstite eius, in Universitate nostra Genio;
quam cum impense diligas, & auream esse velis, sis ipse calo dile-
cta, praecellentium ab aureo avo animorum medulla; sis longa uia
Musarum gloria; Gratiarum & Honorum omnium, quos renuen-
do vicisti. Theologicisq; certaminis nostri sis ROSA & CORONA.

Perillustris & Reverendissimæ Dominationis Tux,

Devotissimus & Obsequientissimus Cliens,
M. MATHIAS PSOECKI.

In Nomine Domini, Amen.

CONCLVSIONES THEOLOGICÆ, De Sacramētis in Genere & in Specie. DE BAPTISMO & CONFIRMATIONE.

I.



Er Sacramentum, non pecuniam, pro pignore in loco sacro locatam; aut Iuramentum, quod cum invocatione Nominis Divini fiebat; aut Iusjurandum quo se Milites Reipublicæ obstringebant, prout profani Scriptores accipiebant intelligimus: sed iuxta Sacram Scripturam, Rem divinam, occultam, latenter, quæ videtur captum humanum excedere. Et quamvis varias ac multiplices habeat definitiones, illa tamen est convenientissima, quod, Sacramentum sit signum rei sacræ: hoc autem signum non est Theoricum sed Practicum, perfectè sanctificans eum cui confertur.

II.

De absoluta sua potentia Deus potuit facere ut Sacramentum non esset signum sensibile: atamen conveniens fuit, vt res sensibles, Sacramentis accommodaret. Legis veteris Sacra menta constabant tantum rebus & non verbis. Legis verò novæ omnino constare debent & rebus & verbis, quæ debent esse determinata ex divina institutione: & faciunt compositionem non solum Physicam, sed etiam Methaphysicam.

III.

Materia Sacramentorum quædam est Remota, quædam Proxima. Verbum quod est tanquam forma in Sacramentis non est doctrinale seu Cōcionatorium, ut voluit Calvinus; sed debet esse Consecratum & efficax ad referendam gratiam, si nullum adsit impedimentum. Nec Lutherorum opinio aliquid valet, dicens, quod Deus in parvulis excitat pios motus fidei: quia fingit miracula sine viro fundamento. Quando Minister adhibet veram Materiam & veram

A

for-

formam & habet intentionem faciendi quod facit Ecclesia, quamvis aliquid addat aut detrahatur, quod putat esse de essentia Sacramenti, licet revera non sit verum, conficit Sacramentum. Sacerdos non servans modum materiae aut formæ, qui communiter observatur, peccat mortaliter.

IV.

Sacramentorum institutio, non fuit necessaria necessitate Absoluta; sed quia sanandæ nostræ misericordie, alias convenientior modus non fuit; ideo fuerunt necessaria ex hypothesi, & non in statu innocentiae sed in statu naturæ lapsæ. Hinc à lapsu primi Parentis usq; ad Moysen debuerunt institui aliqua Sacra menta. In lege scripta tam pro iustificandis parvulis, quam etiam adultis, quæ vera erant Sacra menta; sed hæc sunt ablata, quia iam sunt impleta, & alia in lege noua sunt instituta, virtute maiora, utilitate meliora, actu facilitiora, numero pauciora. Et ex his alia, quæ sunt necessaria ex divina institutione necessitate medijs, alia necessitate præcepti.

V.

De fide est [& oppositum tenere est manifesta heres] quod Sacra menta Novæ Legis verè & propriè causant gratiam idq; ex opere operato, quod ut dignius & verius de his sentiamus, asserimus, quod sint causæ instrumentales Physicæ, gratiæ. Nullum vero Sacramentum antequam suscipiatur confert gratiam, sed tum demum & eo tempore, quando suscipitur & applicatur si nullus intercesserit obex. Instans in quo gratia producitur est aliud quando ultimo Sacramentum completur. Qui sic factè suscipit Sacramentum, ut non habeat tunc intentionem illud suscipiendi, recedente fictione, per mutatam voluntatem non recipiet effectum Sacramenti!

VI.

Ratio Sacramentalis, super gratiam communiter di-
ctam, & super virtutes & dona addit quoddam divinum auxilium ad consequendum finem Sacramenti. Et hæc gratia Sacramentalis, non continetur in Sacramentis, ut in causa principali, quia hæc est Deus, neq; tanquam in causa æquivo-
ca, sed tanquam in habente virtutem instrumentalem, rece-
ptam ab agente principali. Hæc autem virtus instrumenta-
lis Sacramentorum non est aliqua qualitas divinitus impressa,
quæ sit virtus conferendæ gratiæ: sed est motus ille ab agente
principalis, nimirum à Deo, receptus.

VII.

VII.

Virtus salutifera in Sacramento Novæ Legis à Divinitate Christi per eius humanitatem derivatur & specialiter ex passione Christi. Sacraenta Legis veteris, neq; per se ipsa, neq; ex passione Christi habuerunt vim conferendi gratiam iustificatiem; sed solùm ex fide & devotione in venturum Salvatorem excitata. Passio enim Christi Sacramentorum illorum neq; fuit causa efficiens, neq; gratiæ; sed solùm causa finalis.

VIII.

Character non est quidem respectus, per quem homo deputatur ad peculiarem cultum Deo exhibendum; nec a liquid ita reale, quod sit relativum, sed est qualitas supernaturalis absoluta spiritualis & indelebilis ab anima, qui reponitur in secunda specie qualitatis. Consistit in essentia animæ, tanquam in subiecto remoto: in intellectu verò tanquam in subiecto proximo.

IX.

In his Sacramentis, quæ imprimunt Characterem, ut Baptismus, Confirmatio Ordo. Illa quæ se habent per modum medicinæ & sunt ad tollendum peccatum instituta, [ut est Baptismus] principalior effectus est gratia. In his verò quæ ordinantur ad cultum Divinum, ut Confirmatio, Ordo principalior est effectus character: qui omnino est indelebilis, adeò ut etiam in animabus per mortem separatis à corpore existat.

X.

Omnia Sacraenta Novæ legis à Christo IESU Domino sunt instituta. Et ille secundum quod est Deus operatur interiorem effectum Sacramentorum videlicet gratiam, idq; per authoritatem tanquam Agens principale, propriâ virtute Divinâ: secundum quod autem est homo, est quidem causa effectiva Sacramentorum, & ipsius Gratiæ, quæ producitur per Sacraenta; sed in ratione causæ efficientis instrumentariæ. Et quia humanitas Christi, est instrumentum conjunctum Divinitati; idcirco in genere causæ instrumentalis obtinet, quandam principalitatem, quæ dicitur Potestas excellentiæ.

XI.

Nonnulli Ministrorum authoritatis potestatem, quam habuit in Sacramentis Christus Dominus potuit communicare;

care; bene tamen Excellentia. Sed & hanc nec Ecclesiæ nec vlli Ministrorum concessit. Veritas fidei Catholicæ, est ad Sacramentorum perfectionem necessariò requiri Ministrum: nulla tamen malitia sive sit occulta, sive sit actoria sive etiam sit hæresis, impedit Ministrum à vera Sacramenti confectio- ne, modò habeat intentionem faciendi quod Christus instituit, & debitam materiam & formam adhibeat.

XII.

Minister malus sive in peccato ministrans Sacramentum peccat: & hoc peccatum ex genere suo est mortale; & quoties alius Sacramentum præter Baptismum in peccato ministrat, peccat mortaliter; nec excusatur ob necessitatem: siquidem est Minister Ecclesiæ publicus, deputatus ad actus sacros exercendos; ad quos dignè peragendos dispositus esse debet. Exercere aliqua Sacramentalia in peccato mortali, vt vestes consecrare, aut Virgines Deo dicatas, aut actum jurisdictionis exercere non est peccatum mortale.

XIII.

In extrema necessitate seu in articulo mortis, tam Sacramentum Baptismi; quam pœnitentia, licet petere à quovis Ministro, etiam non tolerato: sive fuerit excommunicatus, sive degradatus, sive irregularis, sive hæreticus; præsertim si præter illum non possit alias haberi.

XIV.

De Potentia Dei ordinaria soli homines sunt Ministri Sacramentorum; at de absoluta etiam Angeli possunt ministrare Sacraenta. Si aliquis Beatus resurgat qui habuit Characterem Ordinis, probabile est, quod possit uti Chara- ctere potestatis ad Sacraenta ministranda.

XV.

Ad essentiam cuiuslibet Sacramenti perficiendam, requiriatur necessariò intentio faciendi id, quod facit Ecclesia, vel quod Christus instituit. Ad quod non sufficit Habitualis, quia est indifferens ad hanc vel ad illam actionem, quæ etiam in dormientibus aut ebrijs esse potest. Actualis verò non requiritur, quia non est in potestate hominis semper habere animum actu intentum; sed requiritur virtualis, quæ ex Aetuali procedit & manet non interrupta per actum contrarium; & hæc est ordinans & dirigens actus Sacramentales & in eosdem influens.

XVI.

XVI.

Si conficiens Sacramentum non intendit illud perficere sed deridere, præsertim si aliquo signo interno suam derisoriam actionem manifestet, nullum conficit Sacramētū: quia talis perversitas tollit veritatem & essentiam Sacramenti. Si verò intendat facere, quod facit Ecclesia & præterea intendit aliquod flagitium, ut si consecret Eucharistiam, ut eā ad veneficia abutatur, talis verè consecrabit, quia ab his pravis intentionibus adjunctis, non pendet Sacramenti confessio. Talis tamen Sathanicus Minister, committit crimen sacrilegij.

XVII.

Veritas Catholica docet nec plura, nec pauciora esse Sacra-
menta Novæ legis, quam septem; scilicet Baptismum, Confirmationem, Eucharistiam, Pœnitentiam, Extremam Vnctionem, Ordinem & Matrimonium. quæ communiter & debito ordine sunt ordinata. Inter quæ Eucharistia omnium Sacramentorum est Sacramentum dignissimum; sed Baptismus absolute ad salutem est necessarius. Pœnitentia necessaria supposito peccato. Ordo ratione Ecclesiae Christianæ. Reliqua verò necessaria ad melius esse.

XVIII.

Doctor Gentium Sacramentum Baptismi appellat Lavacrum g̃enerationis. Mysterium sepulturæ Christi. Hostiam pro peccatis. Sacramentum hoc Catechismus Consilij Tridentini sic definit: Baptismus est signum seu Sacramentum Gratiae regenerationis per lavacrum aquæ & verbum vita. Christus Dominus instituit illum ante suam Passionem, & quoad Materiam & quoad formam. Annum institutionis exprimit S. Lucas Cap. 3. Ipse erat incipiens quasi annorum triginta. De die & Mense res non ita certa.

XIX.

Baptismus, post sui institutionem fuit in Consilio, usq; ad Passionem & Resurrectionem Christi, & ideo Circumcisio habuit vim obligandi Iudeos ad sui observantiam usq; ad ultimum Spiritum Christi. Baptismus verò à morte Christi, cæpit sub præcepto obligare, quamquam hi, ad quos illius promulgatio non pervenit, ignorantia excusarentur.

XX.

Materia Baptismi remota est aqua Elementaris Naturalis,

lis, vera & simplex, & à sua specie non soluta, quæ ob maiorem sacramenti reverentiam debet esse purissima. Virgente autem necessitate, alia adhiberi potest, ut turbulentia, amara, luctuosa, colata per cineres vel quamvis sulphur habeat admixtum, ut sunt aquæ, per metalla transeuntes, sunt enim aquæ essentialiter, nec suam essentiam mutant. Similiter aqua ex glaciè nive, grandine, resoluta, si sufficienter liquefiat. Proxima vero Materia est ipsa ablutio, in qua est applicatio aquæ quæ fieri potest vel per Aspersionem, vel Immersionem vel Infusionem. Ut ritè Baptismus suscipiatur, non sufficit si Bap- plizati solum aquâ veste aspergantur. Praeceptum Ecclesiae est ut caput abluatur.

XXI.

Forma Baptismi; Ego te baptizo in Nomine Patris & Filii & Spiritus Sancti, est conveniens. In quo omnino necessarium est ut exprimatur actus baptizandi per verbum Baptizo, & Persona quæ baptizatur: & ut sit distincta nominatio & invocatio trium Personarum aliqui Baptismus collatus in Nomine Trinitatis, aut in Nomine Christi, omnino est nullus.

XXII.

Tria sunt Baptisma scilicet Fluminis, Flaminis & Sanguinis. inter quæ solus Baptismus aquæ propriè & verè rationem Baptismi obtinet. Flaminis & Sanguinis non sunt propriè Sacramentum, sed vicem Baptismi Fluminis supplant. Ad Martyrium requiritur dispositio, ut si sit adultus & conscientius sibi alicuius peccati mortalis, nec illud ob instantem mortem, confiteri potest, ut per veram Contritionem conteratur. Martyrium confert gratiam ex opere operato.

XXIII.

Baptismus ritè & verè collatus iterari non debet. Si autem de aliquo dubium esset, an sit baptizatus, baptizandus est sub conditione, non autem rebaptizandus. cum tali forma; si baptizatus es, non te rebaptizo, sed si nondum es baptizatus: Ego te Baptizo in Nomine Patris & Filii & Spiritus Sancti. Ab obstetricibus domi baptizati, ab Hæreticis, & pueri exposti sub conditione sunt baptizandi. Olim pro adultis baptizandis tempus erat primum Vigilia Paschatis, secundum Pentecostes. Sed hic mos desijt esse in Ecclesia, vnde quovis tempore adulti, sicut & infantes baptizari possunt.

XXIV.

XXIV.

Minister Ordinarius Baptismi, per totam suam Dioecesim est Episcopus, in sua propria Parochia Curatus Sacerdos. Diaconi non est officium ut baptizet. Ad administrandum Baptismum requiritur iurisdictio. Erit tamen si quis absq; iurisdictione baptizet. In casu necessitatis, non solùm Sacerdos vel Diaconus; sed etiam laicus & mulier: imò etiā Paganus & Hæreticus baptizare potest, modò possit & sciat debitam formam proferre, & materiam applicare cum intentione Ecclesie. Si tamen Sacerdos facile haberi potest, prætermitti non debet. Nam si fuerit negliens est peccatum mortale. Mos vt plures Ministri, vni conferant Baptismum, non est licitus.

XXV.

Præter Ministrum qui baptizat, Patrini sunt necessarij, qui infantem baptizandum offerant & teneant: quorum officium est, vt, eorum quos de Sacro fonte suscepereunt, curam gerant, tanquam spirituales parentes, eosq; in his quæ ad fidem & ad vitam Christianam spectant instruant & informent. Ad hoc Officium non baptizati hæretici, Abbates, cum suis Monachis, Abbatissæ, cum suis Monialibus, Parentes Carnales, Pueri, & qui usum rationis non habent non admittuntur. Ex dispositione Concilij Tridentini sessi. 24. Cap. 2. ad hoc munus unus tantum sufficit, sive sit vir, sive mulier, vel ad summum unus & una, qui baptizatum suscipiant. Ex hoc actu quod quis levat baptizatum contrahitur cognatio, quæ est impedimentum contrahendi inter illos Matrimonium.

XXVI.

Nemo saluari potest sine Baptismi susceptione re, aut voto; quod expleri debet, quando id comodè fieri potest, & hoc sufficit implicitum & virtuale, ea cupiendo adimplere, quæ Deus ordinavit ad salutem consequendam. Per Baptismum non solùm Originalis peccati macula, sed etiam actualium deletur. Qui retinent propositum peccandi, ad Baptismum non sunt admittendi.

XXVII.

Baptismus, delet ac tollit peccatum Originale & simul omne actualis, ac personale, si quod ante eius susceptionem est commisum, nisi ex parte suscipientis ponatur obex: ita, vt in baptizato nihil remaneat, quod peccati propriæ distinctionem habeat. Tollit quoque simul cum peccatis, omnem reatum pænæ pro peccatis debitæ, non tantum æternæ, sed etiam temporalis.

XXVIII.

Fictio quâ quis simulat exterius se velle baptizari, & tamen interioris nullam habeat voluntatem suscipiendi Baptismum, non tantum impedit effectum Sacramenti, sed ipsum quoq; Sacramentum, ita vt Baptismus tali collatus sit planè nullus. Quando vero quis exterius, ita se gerit, ac si fidem haberet, & de peccatis pæniteret, atq; sese ad Deum converteret, & tamen reverâ vel fidem non habet, aut certè peccata adhuc ei complacent, neq; eorum affectum, sive voluntatem deponit; tunc non impedit veritatem Sacramenti neq;.

neq; impressionem Characteris, sed impedit remissionem peccatorum, & infusionem gratiæ.

XXIX.

CONFIRMATIO, quæ secundum inter Sacraenta Novæ legis occupat locum, est verum propriè dictum Sacramentum a Christo Domino institutum. Materia eius remota, est Chrisma seu unguentum ex oleo olivarum, & balsamo confectum. Proxima vero est ipsa vncio, quam Episcopus facit in fronte Confirmati. Forma vero est: Signo te signo Crucis confirmo te Chrmate salutis. In Nomine Patris & Filii & Spiritus Sancti. & hoc Sacramentum, imprimet animæ characterem indebilem, eoq; nomine iterari nunquam potest.

XXX.

Sacramentum Confirmationis confert per se augmentum gratiæ sanctificantis, sed requirit, ut suscipiens sit in statu gratiæ, ad hoc, vt dignè & cum effectu gratiæ sanctificantis, illud percipiat. Sacramenti huius omnes capaces sunt, tam Parvuli, quam Adulti. Eius Minister Ordinarius est Episcopus. Ritus, quos Ecclesia in hoc Sacramento conferendo adhibet, sunt convenientes. Et licet præcipue in die Pentecostes debeat administrari, quia illo die Apostoli cum cæteris Discipulis Christi Domini virtute Spiritus Sancti corroborati, & induiti ex alto fuerunt, tamen quia magna est Confirmandorum multitudo, cui certis temporibus Episcopus non sufficeret confirmandæ; ideo extra tempus Pentecostes etiam tempore pomeridiano solet hoc Sacramentum administrari.

SUB FELICISSIMIS AUSPICIIS

Magnifici, Perillustri, & Admodum Reuerendi Domini

D. M. IOANNIS MICHALSKI,

Sacræ Theol: Doctoris & Professoris, Ecclesiarum Collegiatarum

S. FLORIANI Præpositi, S. GEORGII in Arce Custodis.

Almae Universitatis Cracoviensis

PROCANCELLARI,

Ejusdemq; Studij, Generalis & Vigilantissimi

R E C T O R I S.



